



Concello de Vigo

YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 16 de decembro de 2022**, adoptou o seguinte acordo:

17.- OUTORGAMENTO DAS “SUBVENCÍONS PARA O FOMENTO DO EMPREGO MEDIANTE PROXECTOS RELACIONADOS COA INVESTIGACIÓN, A INNOVACIÓN E O EMPREGO- ANO 2022”. Expte. 19116/77.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe de fiscalización do 14/12/2022, dáse conta do informe-proposta de data 02/12/2022, asinado pola xefa de Participación Cidadá e Desenvolvemento Local, a concelleira-delegada de Área e polo concelleiro-delegado de Orzamentos e Facenda, que di o seguinte:

Antecedentes:

Por acordo da Xunta de Goberno Local, en sesión ordinaria do 04 de agosto de 2022 aprobouse a “Convocatoria e as bases reguladoras das **SUBVENCÍONS PARA O FOMENTO DO EMPREGO MEDIANTE PROXECTOS RELACIONADOS COA INVESTIGACIÓN, A INNOVACIÓN E O EMPREGO ANO 2022**”.

Ditas bases foron publicadas no BOP núm. 152, do 10 de agosto de 2022 e o extracto da convocatoria remitido pola BDNS foi publicado no BOP no seu número 160 de data 23/08/2022 así como na páxina web do Concello de Vigo (www.vigo.org), promovéndose a concorrencia de solicitudes polo prazo de 10 días, a contar dende o seguinte á publicación do extracto no BOP (dende o 24/08/2022 ao 06/09/2022, ámbolos dous inclusive, da que resultou a presentación de dúas (2) solicitudes:

Nº expdte.	Entidade	NIF	Data rexistro solicitude
19691/77	A.E. UVIGO MOTORSPORT	G27809425	08/09/22*
19586/77	FUNDAMAR	G27745397	09/06/22

* consta que intentaron reiteradamente presentala o 06/09/22.

As bases da convocatoria de subvencións destinadas ao fomento do emprego mediante proxectos relacionados coa investigación, a innovación e o emprego, establecen un financiamento por unha contía total destinada a estas subvencións para o vixente exercicio orzamentario (2022) de 40.000,00 € (corenta mil euros), que se imputarán con cargo á partida 2410 4800008 “Axudas desenvolvemento de proxectos investigación relacionados coa innovación”, dos orzamentos xerais



Copia do documento - Concello de Vigo	Data impresión: 03/07/2024 15:10	Páxina 1 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

do Concello de Vigo. Subvencionarase, no caso de que as entidades sen ánimo de lucro solicitantes que cumpran con todos os requisitos esixidos nas bases, os gastos de funcionamento e difusión necesarios para o desenvolvemento das actividades programadas e que teñan acomodo no obxecto desta convocatoria (custes salariais e de seguridade social derivados do persoal contratado e/ou da entidade con cargo á subvención, gastos financeiros e de xestión relacionados coa posta en marcha do proxecto presentado, gastos de difusión, publicidade e de asistencia a eventos, gastos de aluguer de locais e maquinaria...), cun máximo de 15.000,00€.

A Tenente de Alcalde e concelleira delegada da Área de Economía, Fondos Europeos, Patrimonio e Emprego (RA de delegación de competencias do 06/09/2022), con data **21/10/2022**, resolveu nomear a Comisión de Valoración que preside de acordo coa base décimo segunda, apartado 4, cos seguintes membros:

Vogal 1	Carla Candia Paz	Xefa do servizo (Resolución de 11/04/2022)
Vogal 2	Ana M ^a Mouriz Martínez	Coordinadora de Desenvolvemento Local e Emprego
Suplente	Rosa María Otero Malvárez	Técnica de xestión

A Comisión de Valoración con data 23/11/2022, conforme á información que consta no seu poder, realizou a avaliación das solicitudes presentadas co resultado exposto na acta da mesma data, en base á cal, emitíuse o informe proposta de concesión das axudas na mesma data.

Con data 01/12/2022 realiza corrección de erro detectado pola propia comisión de valoración na avaliación das solicitudes admitidas, incluíndose un apartado que non figuraba nas Bases desta convocatoria de subvencións (persoas implicadas). Procede por tanto, que a Comisión de Valoración corrixa os apartados 2 e 3 da anterior acta, que corresponden á Avaliación de solicitudes e á distribución económica unha vez avaliadas as solicitudes das entidades, respectivamente.

Conforme á documentación existente no servizo procédese a revisar os expedientes, e dacordo ás dúas actas da Comisión de Valoración obtéñense as seguintes conclusións:

- Segundo se recolle na primeira acta de 23 de novembro e que corrobora a acta do 01 de decembro:

“1.- Preavaliación das solicitudes

Unha vez revisadas as solicitudes de subvención, co obxecto de verificar o cumprimento das condicións impostas para acadar a condición de entidades beneficiarias, segundo o indicado na Base 11^a, decídese ESTIMAR as dúas solicitudes presentadas polas entidades Asociación Estudiantil Uvigo Motorsport (G27809425) e FUNDAMAR (G27745397), xa que, conforme á documentación existente no servizo, despréndese que cumpren cos requisitos establecidos aos solicitantes nas bases da convocatoria para resultar beneficiarios da subvención.

No caso da Asociación Estudiantil Uvigo Motorsport (G27809425) presentouse unha incidencia que se detalla a continuación:



Copia do documento - Concello de Vigo	Data impresión: 03/07/2024 15:10	Páxina 2 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- Rematado o prazo de presentación de solicitudes para esta convocatoria de subvencións, o día 06 de setembro, só figuraba a entidade FUNDAMAR.
 - Con data 08 de setembro, figura solicitude presentada pola Asociación Estudiantil UVigo Motorsport.
 - Coa mesma data, 08 de setembro, a Asociación Estudiantil UVigo Motorsport presenta unha queixa a través do servizo 010, tramitada en expte 203257-323, por non poder presentar a súa solicitude dentro do prazo establecido da convocatoria, en concreto, afirmaban que a sede electrónica quedaba bloqueada á hora de comprobación de sinaturas.
 - O departamento de Administración Electrónica emite informe técnico con data 28 de setembro que envía ao departamento de Emprego con 19 de outubro, corroborando o afirmado pola entidade e asegurando que a pesares dos problemas técnicos que presentou a sede, consta 4 intentos de presentación de solicitude (W757558-6656, W757562-6633, 757569-6564 e W757570-2707).
 - De acordo co anterior, a xefa de servizo de Participación Cidadá e Desenvolvemento Local emite informe de data 21 de outubro de 2022 facendo constar que: "(...) resultando acreditada a incidencia técnica da sede do Concello que imposibilitou a presentación da solitude de subvención da entidade, resulta procedente admitir a súa solicitude para a valoración do seu proxecto dacordo ás Bases reguladoras das subvencións para o fomento do emprego mediante proxecto relacionados coa investigación, a innovación e o emprego 2022."
- Segundo o recollido na acta de 01 de decembro tras a corrección de erro detectado:

1.- Avaliación das solicitudes.

As puntuacións máximas que se estableceron nesta comisión para a avaliación da solicitude presentada e admitida son, conforme ao disposto na Base Décima, son as que a continuación se indican:

1. Calidade e viabilidade técnica e económica do proxecto (ata 20 puntos):

a-1: Corresponde ao apartado 1.a) Que sexan capaces de xerar grupos de innovación na actividade económica de Vigo e o seu entorno, ou programas estables de innovación e investigación fronte a accións puntuais. 9 puntos.

a-2: Corresponde ao apartado 1.a) Que baseen na análise das necesidades existentes no entorno económico laboral e, que teñan viabilidade técnica. 6 puntos.

a-3: Corresponde ao apartado 1.a) Colaboración, coordinación e concertación dos proxectos con outras entidades asociativas e aposta pola promoción de alianzas e do traballo en rede. 5 puntos.

A puntuación do apartado "áreas económicas relacionadas co proxecto" é a que se establece na mesma Base Décima Primeira no seu apartado 2º, isto é:

2. Áreas económicas relacionadas co proxecto:

a) Tecnoloxías de comunicación	5 puntos
b) Automoción	5 puntos
c) Industria naval	5 puntos
d) Enerxías renovables	5 puntos



Copia do documento - Concello de Vigo	Data impresión: 03/07/2024 15:10	Páxina 3 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

e) Biotecnoloxía	4 puntos
f) Outras áreas e/ou sectores	2 puntos

3. Uso da lingua galega no proxecto. 5 puntos.
4. Nº de persoas contratadas con cargo a esta subvención:
a) 1 punto por cada contrato.

E as puntuacións obtidas polas entidades admitidas no proceso de baremación nesta convocatoria de subvencións son:

		BAREMO PUNTUACIÓNS BASE 11ª SUBVENCIÓN PROX. INNOVACIÓN, INVESTIGACIÓN E EMPREGO						
		1. Calidade/ viabilidade Técnica (máx. 20)			2. Área económica	3. Uso lingua galega no proxecto	Nº persoas Contratadas	TOTAL
CIF	ENTIDADE	a-1	a-2	a-3				
G27745397	FUNDAMAR	9	6	5	2	5	1	28
G27809425	A.E. UVIGO MOTORSPORT	9	6	5	5	0	0	25

Apórtase ficha de avaliación individual en cada un dos expedientes destas dúas entidades.

2.- A distribución económica unha vez avaliadas as solicitudes das entidades.

Unha vez corrixidos os puntos obtidos por cada entidade, a distribución económica unha vez avaliadas as solicitudes das entidades resulta como se indica na seguinte táboa:

CIF	ENTIDADE	Cantidade Solicitada	Puntos	Cantidade asignada 1º reparto	Cantidade Resolución	% concedido
G27745397	FUNDAMAR	4.823,51 €	28	21.132,08	4.823,51 €	100,00 %
G27809425	A.E. UVIGO MOTORSPORT	15.000,00 €	25	18.867,92	15.000,00 €	100,00 %
<i>Totais</i>		19.823,51	53		19.823,51 €	
<i>Valor punto:</i>			754,72 €			

Polo que o importe de subvención que se propón conceder a cada unha das entidades non varía respecto do calculado na acta anterior, a pesares do cambio de puntuación, xa que tal como se explicara naquela acta, a contía total destinada a estas axudas(40.000,00 €) ao terse presentado dúas únicas solicitudes de subvención, formuladas por Asociación Estudiantil Uvigo Motorsport (G27809425) e FUNDAMAR (G27745397), obteñen, segundo a Base Cuarta b), o importe máximo subvencionable a primeira delas e, sen exceder do importe solicitado, no caso da segunda, para o cal debe minorarse a cantidade do primeiro reparto, asignada en función da puntuación obtida no proceso de baremación.



Copia do documento - Concello de Vigo	Data impresión: 03/07/2024 15:10	Páxina 4 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

3.- Unha vez avaliadas as solicitudes presentadas, conforme ao establecido na Base 12.6 da convocatoria, a Comisión de Valoración fai constar que, da información que obra no seu poder, despréndese que as entidades beneficiarias cumpren os requisitos necesarios para acceder ás subvencións.

...”

De conformidade co anteriormente exposto e nos termos do establecido na DÉCIMO SEGUNDA das bases reguladoras do procedemento:

- As solicitudes avaliaranse con arranxo á documentación achegada, no seu caso, aos informes emitidos, ás limitacións orzamentarias existentes e aos criterios de avaliación establecidos na Base Décima, deixando constancia en acta do resultado da avaliación debidamente motivada.

- Unha vez avaliadas as solicitudes achegadas, o órgano colexiado remitirá a acta na que se concrete o resultado da avaliación, á vista do cal, o instrutor do procedemento formulará proposta de resolución definitiva á Xunta de Goberno Local, como órgano competente para resolver o procedemento, na que incluirá unha relación na que se indicarán todos/as as solicitantes que participan na convocatoria co NIF, nome, nº de expediente, puntuación obtida, estimación da súa solicitude ou desestimación (con indicación do/s motivo/s polo/s que se lle denega), e o importe da subvención que se lle outorga; farase constar, así mesmo, que da información que obra en poder do órgano instrutor, despréndese que os beneficiarios cumpren os requisitos necesarios para acceder ás subvencións.

O prazo de resolución e notificación será de **catro meses** contados a partir da publicación desta convocatoria. A resolución do procedemento será obxecto de publicación para xeral coñecemento na páxina web do Concello de Vigo (www.vigo.org).

En calquera momento anterior á resolución do procedemento de subvencións, a interesada poderá desistir da/s súa/s solicitude/s; desistimento que será aceptado de plano pola administración concedente, declarando conclusivo/s o/s procedemento/s correspondente/s, de conformidade cos artigos 84 e seguintes da LPAC.

- A resolución do procedemento notificarase electrónicamente ás entidades solicitantes a través da sede electrónica. Remítanse aos/ás interesados/as os avisos da posta á disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

As notificacións por medios electrónicos entenderanse practicadas no momento en que se produza o acceso ao seu contido. A notificación entenderase rexeitada cando transcorresen **dez días naturais** desde a posta á disposición da notificación sen que se acceda ao seu contido.

Se o envío da notificación electrónica non fose posible por problemas técnicos, practicarase a notificación polos medios previstos na normativa reguladora do procedemento administrativo común.



Copia do documento - Concello de Vigo	Data impresión: 03/07/2024 15:10	Páxina 5 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- **Dende o día seguinte á notificación da resolución**, as beneficiarias dispoñen dun prazo de dez (10) días naturais para a **aceptación ou renuncia** da subvención concedida, que debe comunicarse por escrito ao Servizo de Participación Cidadá e Desenvolvemento Local, transcorrido o cal, sen manifestación expresa ao respecto, entenderase tacitamente aceptada.

Todas as subvencións concedidas, individualmente consideradas, con expresión da convocatoria, programa e crédito orzamentario ao que se imputen, beneficiario, cantidade concedida e programa específico subvencionado, serán publicadas na Base de Datos Nacional de Subvencións.

- O vencemento do prazo máximo sen terse ditado e notificado a resolución expresa, lexítima aos interesados para entender desestimada por silencio administrativo a solicitude de concesión de subvención, sen prexuízo do disposto no art. 24.3.b) da LPAC.

- Contra a resolución administrativa que aprobe as presentes bases e as resolucións que se adopten na súa execución poderá interpoñerse, potestativamente, recurso de reposición perante o órgano que a ditou no prazo dun mes. Entenderase desestimado se transcorre outro mes sen contestar; neste caso poderá interpoñerse recurso contencioso-administrativo no prazo de dous meses. Así mesmo, contra a presente resolución tamén poderá interpoñerse directamente recurso contencioso-administrativo no indicado prazo. En todos os casos, os prazos contaránse a partir do día seguinte ao da notificación, publicación ou desestimación do recurso de reposición.

- A beneficiaria poderá renunciar, expresamente, á subvención concedida; renuncia que será aceptada de plano pola administración concedente, declarando concluso o/s procedemento/s correspondente, de conformidade co artigo 94 da LPAC. A non presentación da/s correspondente/s renuncia/s cando proceda, determinará a imposibilidade de concorrer á convocatoria de subvencións da Concellería de Emprego, Economía, Industria, Voluntariado e Relación con Sindicatos no vindeiro exercicio presupostario.

Así mesmo, cómpre rectificar o prazo máximo de xustificación de subvencións establecido na **DÉCIMO TERCEIRA das bases reguladoras do procedemento**, debido a motivos laborais e a fin de que o outorgamento das axudas obxecto da presente proposta non devese de imposible cumprimento, establecendo un prazo de **7 días hábiles a contares dende o seguinte día á notificación da resolución** como data límite para a presentación da documentación xustificativa do cumprimento da finalidade para a que se concedeu a subvención e, no seu caso, da aplicación dos fondos recibidos.

A presente proposta remitirase para informe preceptivo da Intervención Xeral Municipal, con carácter previo á adopción do acordo pola Xunta de Goberno Local.

A teor do previsto nas bases reguladoras da subvención, do artigo 23 da Lei de Subvencións de Galicia e nos termos e condicións, alcance e contido do informe de fiscalización da Intervención Xeral Municipal; previa a conformidade do Sr. Concelleiro-Delegado de Cultura e Emprego, nos termos das delegacións competenciais efectuadas en datas 18/06/2019 e posterior 17/08/2020, elévase á Xunta de Goberno Local a seguinte

PROPOSTA DE ACORDO



Copia do documento - Concello de Vigo	Data impresión: 03/07/2024 15:10	Páxina 6 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

PRIMEIRO: CONCEDER, de conformidade co art. 23.3 da LSG, ás entidades que, de seguido, se relacionan, con cargo á partida presupostaria 2410 4800008 “Axudas desenvolvemento de proxectos investigación relacionados coa innovación” do vixente exercicio presupostario, pola contía total que se reflicte a seguir:

Nº expte.	Entidade	NIF	Importe Subvención Concedida
19586/77	FUNDAMAR	G27809425	4.823,51€
17679/77	A.E. UVIGO MOTORSPORT	G27809425	15.000,00€

SEGUNDO: PUBLICAR na Base de Datos Nacional de Subvencións todas as subvencións concedidas, individualmente consideradas, con expresión da convocatoria, programa e crédito orzamentario ao que se imputen, beneficiario, cantidade concedida e programa específico subvencionado.

TERCEIRO: RECTIFICAR o prazo máximo de xustificación de subvencións establecido na DÉCIMO TERCEIRA das bases reguladoras do procedemento, a fin de que o outorgamento das axudas obxecto da presente acordo non devese de imposible cumprimento, establecendo un prazo de **7 días hábiles a contares dende o seguinte día á notificación da resolución** como data límite para a presentación da documentación xustificativa do cumprimento da finalidade para a que se concedeu a subvención e, no seu caso, da aplicación dos fondos recibidos.

CUARTO: NOTIFICAR o presente acordo nos termos establecidos nos art. 24 da LSG, art. 40 e 41 da LPAC e Base reguladora 12ª.8, con indicación expresa de que dende o día seguinte á notificación da resolución, as beneficiarias dispoñen dun prazo de dez (10) días naturais para a aceptación ou renuncia da subvención concedida, que debe comunicarse por escrito ao Servizo de Desenvolvemento Local, transcorrido o cal, sen manifestación expresa ao respecto, entenderase tácitamente aceptada.

A resolución do procedemento será obxecto de publicación para xeral coñecemento na páxina web do Concello de Vigo (www.vigo.org).

Contra o presente acordo poderán interpoñer recurso de reposición ante o órgano que a dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á recepción da notificación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de reposición non poderá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

ACORDO

A Xunta de Goberno local aproba a proposta contida no precedente informe.



Copia do documento - Concello de Vigo	Data impresión: 03/07/2024 15:10	Páxina 7 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 03/07/2024 15:10	Páxina 8 de 8
SUBVENCIONS	CSV: A6A25E-B7A934-CHDEEE-T4R94Q-NNU5V2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		